

重刊汝寧府志

汝南縣志編纂委員會校印



下  
册

重修汝寧府志

汝南縣志編纂委員會校印

一九八三·

## 汝宁府志卷二十一

### 节烈

#### 周

蔡人之妻者，宋人之女也。既嫁于蔡，而夫有恶疾，其母将改蘸之。女曰：“夫之不幸，乃妾之不幸也，奈何去之！不闻采芣苢之草乎。虽极臭恶，始于撝之，终于怀襞之，浸以益亲，况于夫妇之道乎。彼无大故，又不遗妾，何以得去！”终不听母言，乃歌芣苢之诗，君子曰：“宋女之志，甚贞而一也。”

召南申女者，申人之女也。既许嫁于鄆，夫家礼不备，而欲迎之。女与其人言：“以为夫妇者，人伦之始也，不可不正。传曰：‘正其本则万物理，失之毫厘，差之千里。是以本立而道生，源洁而流清。’故嫁娶者，所以传重、承业、继续。先祖为宗庙主也，夫家轻礼违制，不可以行，”遂不肯往。夫家讼之于理，致之于狱。女终以一物不具，一礼不备，守节持义，必死不往。而作诗曰：“虽速我狱，室家不足。”言夫家之礼不备足也，君子以为得妇道之义，故举而扬之，传而法之，以绝无礼之求，防淫欲之行焉。

#### 汉

马氏融之女，汝南袁隗之妻也，字伦，少有才辩。融家世丰豪，装遗甚盛，及初成礼，隗问之曰：“妇奉箕帚而已，何乃过珍丽乎。”对曰：“慈亲垂爱，不敢逆命，君若欲慕鲍宣、梁鸿之高，妾亦从少君、孟光之事矣。”隗又曰：“弟先兄，举世以为笑，今处姊未适，先行可乎？”对曰：“妾姊高行殊邈，未遭良匹。不似鄙薄，苟然而已。”又问曰：“南郡公学，穷道奥文为辞宗，而所在之职，辄以货财为损何耶？”对曰：“孔子大圣，不免武叔之毁，子路至贤，犹有伯寮之愆。家君蒙此，固其宜耳。”隗默然不能屈。帐外听者为惭。隗既宠贵当时，伦亦有名于世。年六十卒。

张邵母（见邵传）。

范滂母（见滂传）。

戴氏五女，皆正阳戴良女也。性资严明，勤事女工，质貌虽不殊，咸克遵家训，而妇德甚备。每有求婚，良辄便许嫁。粗裳、布被、竹笥、木屐以遣之。节操行谊，有隐者风焉。

#### 吴

孙权袁夫人，汝阳人袁术女也，有节行而无子。权以诸姬子与养之，辄不育。及步，夫人薨。权欲立之，夫人自以无子，固辞不受。

## 晉

李氏字络秀，汝南人，周顛母也。顛父浚，为安东将军。出猎遇雨，过络秀家，会其父兄不在，络秀与一婢于内，宰猪羊具数十人饌甚精，办而不闻人声，浚怪使覘之，独见一女子甚美，浚因求为妾。其父兄初不许，络秀曰：“门户殄瘁，何惜一女，若连姻贵族，将来或大益。”父兄许之，遂生顛及嵩，由此李氏在世得为方雅之族。

徐元妻许氏，年二十一，丧夫，子颯方三岁。父攬，愍其年少，逼适同县张买，许自誓不行。父逼载送买，许自经气绝。家人奔赴，良久乃苏。买知不可夺，夜送还。攬许归徐氏。至宋元嘉中，年八十余卒。

梁州刺史朱序母韩氏。序，镇襄阳，符坚遣其将苻丕等，率众围序。韩自登城履行，谓西北角当先受弊，遂领百余婢于其角，斜筑一城。贼果攻破西北角，众守新筑城以御。丕遂引退。襄阳人谓此城为夫人城。韩氏，义阳人。

## 唐

郟侯李泌母，周氏。幼时有异僧，僧伽从泗上来，见而奇之曰：“此女后当归李氏。而生三子。其最小者，慎勿以紫衣衣之。当起家金紫，为帝王师。”泌父李承休为吴房令娶之。周氏既娠，凡三年方寝而生。泌生而发至于眉。先是，周每产必累日困惫，惟媿泌独无恙。由是小字谓顺。天宝十二载，周氏卒。泌历事元宗及肃、代、德，四朝。军谋相业，载于国史，位至宰相封侯。

窦桂娘，蔡州窦良女也。父为汴州户曹掾。李希烈陷汴州，逼之行。窦顾其父曰：“慎无戚，必能灭贼。使大人取富贵于天子。”后有宠。秘结陈仙奇夫妇。希烈死于毒。窦出蜡帛丸，令仙奇斩希烈、妻子七首。

董昌龄母，杨氏。世居蔡。昌龄事吴元济为吴房令。母尝密戒曰：“逆顺成败儿可图之。”昌龄徙郟城。母复曰：“逆贼欺天，神所不祐，当速降，无以我为累。儿为忠臣，吾死不恨。”会王师逼郟城，昌龄乃降。宪宗喜，即拜郟城令兼监察御史。昌龄谢曰：“母之训也。”帝嗟叹。元济囚母，欲杀者屡矣。蔡平，而母在。陈许节度使李勣表之，封北平郡母，太君。

老嫗蔡州人。南中丞卓，吴楚游学十余年，衣布缕，乘牝卫，薄游蔡州。州牧待之以厚，而为吏难阻。每宴集令召。则云：“南秀才自以衣冠不整，称疾不赴。”羈旅穷愁，似无容足之地。惟城南鬻饭老嫗，待之无厌色。后十七年，卓为蔡州牧。曰：“古人一饭之恩必报，睚眦之怨必酬。”遂戮仇吏，而报饭嫗焉。后转黔南经略使。

李湍妻某氏，籍吴元济军。元和中，自拔，归乌重允妻。为贼缚而齎食之。将死，犹号湍曰：“善事乌仆射。”观者叹泣。重允请以其事属史官。诏可。

## 宋

范氏，庄十一妻。年二十七岁而寡。子幼家贫，亲戚劝他适。氏遂剪发自誓，继续以养舅姑。年八十。事闻，旌为贞节。

## 元

太尉李思齐之妾郑氏。元末汝颍兵起，思齐率兵屡复郡县，已而内升江西行省左丞。卒于官。氏遂自缢死。事闻，追赠淑人。谥贞烈。

## 汝阳县

### 明

吏部尚书赵好德妻，张氏，侍郎毅之母也。元季大乱，好德将杖策往谒高祖。顾谓张曰：“奈汝娠何？”张曰：“是男归君，是女则母子俱死而已。”遂洒泣而别。张携家避难抵华州，力作自给。明年毅生。戊申，洪武改元。好德守安庆。张携毅东归。适好德遣生往迎，遇诸大梁。张以毅付使者曰：“我所忍死以待者，为此子耳；今令归若主，吾事毕矣。”遂悲伤发病卒。洪武八年，诰赠为淑人。

汝宁府知府，申达女申氏，达于永乐间守汝，与千户郭升相慕好，睹其子瑛眉目不凡，许以女妻之。年十六归瑛。婉婉恭淑，克娴妇道。生一子兴甫。七月瑛遭疾。申侍汤药昼夜不离侧。既而卒。申以头触柱血流濡衣，割左耳以自誓，葬瑛。后，足未尝出户庭。奉姑育子，四十余年。子长袭职，诰封为宜人。瑛犹子贺，早卒。其妻刘氏方二十五岁，毁容历节，孀居三十余年。正德改元，有司以闻，俱旌表之。

胡冕妻赵氏，尚书好德曾孙女。天顺初，适冕。逾五载，生子贞。甫及六月，冕病卒，赵矢死守节，终养舅姑。居贫，教子，尝脱簪珥佐之。贞领弘治十七年乡荐，县官雷宗，以事闻。诏表其门。

赵瑀妻房氏，永乐六年，瑀出商清江，溺死。房年二十，遗腹子俊。氏年七十三卒。事闻旌之。

王全妻刘氏，年二十七而寡。遗腹子端。氏卒，年八十有六。事闻旌之。

毛忠妻蔺氏，永乐末，忠卒于戍。蔺抱三女，纺绩自给。成化间，都御史李衍给廩米，月一石。卒年百岁，有司上其事。

刘汉妻余氏，成化十五年，适刘。生子林。甫岁余，汉卒。余守节刺绣，以养舅姑。亲党有议夺其志者，余夜抚林而泣曰：“吾不能雇汝矣！”乃自缢，赖众救得免。翁姑相继卒，余竭力营葬。正德癸酉，林举于乡，有司始以事闻，旌表其门。

桂兰妻张氏，弘治初归桂，明年生子祥。甫九阅月而兰卒。张誓不他适，纺绩自给，孝



率舅姑，抚祥业儒。领正德丙子乡荐，授泗州知州、升工部员外郎。事闻，诏表其门。年九十二卒。

李暹妻蔡氏。暹卒，蔡年二十八，矢死靡他。日课子尚德读书，稍长，娶妇詹氏。居数年尚德卒。詹年方二十七，时值饥馑，兼有寇变，詹事孀姑，抚孤儿，保门户。子麒，妇朱氏，亦竭力奉养，不废甘旨。无何，麒又病剧。泣语朱曰：“天祸吾家，吾必不起。二孀一孤以累汝矣！”遂卒。卒之日，朱年方二十六。一孤呈芳仅四龄。有族人屡以横逆来迫朱嫁，朱仰天大恸，截发自誓。族人始惭沮去，邻里相叹以为世节云。万历癸巳，呈芳子本固，官御史，具疏自陈，诏旌三节之门。

刘氏二女者，汝南县南马乡人也。父刘玉生七女。家贫，力田。尝辍耕垄上叹曰：“生女不生男，缓急非所宜。”其第四女第六女闻之，惻然誓不字人，乃着短衣代父耕作。日以菽水承欢，不啻两当户儿，及父母相继卒。二女哭之恸，无力营葬，即屋为丘，不忍离亲侧也。隆庆四年，知府史桂芳闻其事，同督学杨俊民躬诣其舍，二女出见，年皆逾六十。椎髻而前，形容憔悴。两公太息为之泣下，为置一区于郡城，题其门曰：“孝节双清。”仍月给粟，贍之终身。

诸生，吾志学妻张氏。女而士行，言笑不苟。及志学卒，年才二十有七，守节不渝。嘉靖三十四年，旌表其门。

庠生周基妻蔺氏。基病卒，蔺长号不食，志甘同穴。其兄妹劝慰之。蔺曰：“舅姑蚤世，终鲜一丁，何用生为。”越二十日，竟缢死柩侧，时隆庆三年三月，知府史桂芳闻之，为文以吊，请于台使，具题旌表其门曰：“贞烈”。

御史羊可立，继妻秦氏。可立卒，氏年方二十六岁。幼子三桂，甫三岁，躬勤织纺，抚孤延师。姻娅中多奉为母仪。年七十七卒。郎抚陈禹谟表其事。后举人羊一中，妻吴氏，年二十七岁而寡，守节四十年卒。直指崔邦亮，旌其门曰：“一门双节。”

汝阳省祭，李绍妻张氏。年二十四，绍卒。张七日不食，誓甘同死。姑抱两婴苦劝始食，抚子梦登、梦阳，及遗腹子梦蛟，俱为邑弟子员，年七十七，事闻，诏表其间。

生员刘镛妻景氏。镛故。氏年二十六，事姑教子，节孝两全，事闻，诏表其间。

举人孔心，继妻宋氏。心卒，氏年二十五岁，无出。抚前妻子，守节四十年。崇祯十四年，旌表。

生员赵孝祖继妻余氏。孝祖亡。氏年二十四岁，抚前妻子，勤苦终身。御史金光辰，具题旌表。经一魁妻马氏，魁亡。氏年二十九岁，苦节逾五十年。御史刘令誉题请旌表。

田贡妾刘氏，贡年七十病革，置酒囑族人及子若侄曰：“吾病殆不起，刘氏可令其他适，念其侍奉之勤，为求一良匹。”刘闻之痛哭，几绝。迨贡歿，七日。家人往乡刈麦，刘自置殓具，沐浴更衣，缢于棺旁。

秋华妻张氏。年十九而寡，无子，剔一目为誓。家贫。解衣自给，不免饥寒，守贞不渝。

年九十五卒。

尹戴妻马氏。尹亡，日夜哭声不绝，水浆不入口者七日，卒，时年二十八岁。

生员温允厉妻韩氏。厉故。韩年方二十岁。崇祯乙亥年，流贼破东关，被执。骂贼不从，贼怒杀之。次日其子往殓其尸，韩目张，见子始瞑。司李于重华往吊之。

李庄靖公妾余氏。生子豫、潢皆幼，庄靖公歿。遗孙根茂年十二，根盘年九岁。李氏族微，并无伯叔兄弟，时流寇猖獗，将及汝宁。余氏叹曰，“庄靖为国元臣，而后人孤弱如此，李氏其斩矣。”遂将根茂托于舅孔门奇，避乱湖广；次孙根盘托于侄孙余金，未半载而城陷，遂被害。

举人刘元琛妻桂氏。元琛登贤书，才年余病故，随舅姑赴任柏乡。明崇祯戊寅年，柏乡城陷，仆妇劝氏逃走。氏曰：“此去家乡千有余里，又盗贼处处猖獗，能免污辱乎，去将安之？况吾未亡人，自分一死久矣。”遂取案上刀自刎。

庠生桂宏妻王氏。崇祯壬午，闯贼围城。氏谓其女二姐曰：“汝姊随姑，柏乡城破自刎，今又遭乱，指其居边大坑曰：“此我与汝之家也。”城陷，看其女至，突水赶抱同溺死。

庠生门琳照妻桂氏。闯寇陷汝，氏跳入马场街井中。贼至捞起，驱之行，不听，贼以刀背击之，氏大骂。贼砍伤其背，骂愈厉。群贼乱刀齐下，立碎于井边，汝人哀之。

某氏失其姓，贼驱至营据坐，频呼之不应，众妇拥向贼，义不受辱。贼曰：“汝敢不从乎。”对曰：“虽死不从。”贼怒杀之。次日，贼目叹惜，附以衣，亲瘞埋之。

廩生孔门英妻李氏。工部本固侄女也。壬午汝城陷，门英病故，氏年四十岁，备历艰险。事姑宋氏，不以荒乱之故而少替妇礼，姑年八十三岁卒，年六十余矣。哀泣之诚，感动邻里，年九十卒。

杨景先妻李氏。年二十二寡，年八十有二卒。

杨名妻王氏。子甫四岁，王每夕焚香，吁天佑子，以存夫祀。有司三上其事。

训导李谦妻田氏。谦蚤卒，二子在抱，田扶椁归，年六十八卒，子俱庠生。

千户倪贵，妻邹氏。贵亡，子诚甫三岁，剪发伤目，誓绝外逼，居五十余年，子得袭爵。

尹瓚妻王氏。年十七，适瓚。子鸾数月，孀居五十余年。

穆伯玘妻阎氏。年十九适玘，甫生子鸾，而伯玘卒。阎坚志五十余年。

王伟妻倪氏，从伟随父平阳，年二十二，伟卒。子灏甫二岁，年七十卒。

郑肅妻刘氏，年十九孀居。子甫七阅月，历四十余年卒。

倪斌妻麻氏。年二十斌故京师，子守仁甫八月，守六十余年卒。

观察杨位妻魏氏。侍母疾，食不下咽，目不交睫者经旬，后先八日，母女偕亡。郡邑称其孝。

举人熊选妻邓氏。年二十八，选亡。子勉学甫三岁，后封太孺人。年八十二卒。

生员张元吉妻石氏。年二十二，元吉故。子庠生期远，时方二岁，守二十三年卒。

伍臣妻范氏。年二十二，臣亡。氏抚子汝忠，嗣百户，官游击将军。

刘绸妻孔氏。年二十七绸亡。守子廉生际美，以寿终。

董科妻严氏。年十九，守遗腹子生员自立，历七十余岁卒。

刘正阳妻陈氏，年二十四，正阳故。抚子九成、九思，年六十八卒。

生员赵明善妻樊氏。年二十五，明善亡。哭七日而死。子大任、大儒，俱庠生。

生员张拱北妻刘氏。父仲实，国子生，年二十一，拱北亡。子廉生复泰，七阅月，守三十一年卒。

王琮妻刘氏。适琮四年而寡。子幼，寿逾八十卒。

任富妻王氏，妾李氏。李生恩三龄，两孀护孤。王年九十一卒，李七十二卒，孙，宏道庠生。

生员白璧妻路氏。年二十四璧亡。寿七十二。学使者旌其节。

张桐妻王氏，适桐三年而寡，子未及周，寿六十二。学使者旌其节。

生员王汝锡，妾赵氏。年二十三，汝锡亡。子之维郡廉生，甫三阅月。氏年八十卒。

刘启阳妻关氏，启阳卒。氏年二十，抚幼男九耀，纺绩自活，俭勤训子。年七十卒。邑令杨文昌给扁奖之。

生员杨道晋妻谢氏。晋卒，氏年方二十，守节抚孤，始终如一。年四十终，有司闻其事奖之。子杨世清庠生。

李尚金妻邹氏。尚金故，氏年二十六。子克敬入庠，次子克忠能书，卒年七十七。

监生桂首攀妻李氏。首攀卒。李氏年方二十一岁。妾霍氏十九岁。矢志同守。生遗腹子淳，以双节于学给扁奖之。

生员胡景宁妻赵氏。夫故。氏孀居，抚二子，长玮，次瑞，登庠。瑞尤称名士，奉诏表闾有节孝录。

沈一鳌妻胡氏。一鳌卒，氏年二十八。纺绩度日，竭力奉姑，六十余年终。

## 国朝

生员付孕恒妻赖氏。孕恒从父任南赣，歿于任所。赖年二十四，事舅姑，抚诸孤，历四十年。顺治十五年，巡按御史李具题旌表。子暨祥副使，鸾祥知府，鸷祥、荐祥俱廉食。

付暨祥妾孔氏。暨祥歿，氏年二十二，截发自誓，遂长斋茹荤，事太夫人赖氏三十余年，无少懈。太夫人每向亲族以孝妇称之。子世珏娶桂氏。庙见后，世珏病不起。氏年十六，即独处一室，非父母兄弟，罕见其面。

庠生韩万珠妻戴氏，贡生戴鹏女也，于归后，十余年，万珠病故。氏以死自誓，数日不



食，遗孤四人，长者垂髻，幼者方在襁褓，亲戚劝慰，氏勉进饘粥。家素单寒，日以纺绩自给，县官邱天英，给扁以表其节。

廩生李百史妻张氏。于归数年，后百史病故。氏以守节自誓。事上抚孤，历十八年，备尝艰苦。子超宗始补诸生，旋食廩饩。未几，超宗死，以百史胞弟番之子继嗣，氏年七十，始一开颜。

烈女黄年生，王店黄星照女也。许字王岗店李颖玉子士吉，未及嫁。康熙二十五年，士吉病故。女闻讣，即涕泣不食，以死自矢。父母防之甚严，后十余日防稍懈，遂自缢。知县邱天英义其事，祥请台使疏闻旌表。

生员刘一俊妻陈氏。二十而夫亡。事舅姑以孝闻。舅病笃，氏夜祷天地，燃一指愿长斋终身，以请舅命。时舅卧床，闻神语曰：“尔儿妇为尔虔祷，行将愈矣。”病遂痊。崇祯十七年汝城陷，氏投井而死。

崔文芳妻李氏。嫁未数年，文芳病故。舅姑在堂，子始三岁。家素贫，氏拮据经营，自食粗粝，而时具甘旨以奉之。舅姑歿，则衣衾棺槨祭葬，成礼。教子延之，读书成立。县官给扁奖之。

马永福妻潘氏，年十六而嫁。永福病故。子秀，方一岁。氏誓以必死。舅姑皆近七旬，叹曰：“尔死则此子亦死，马氏其斩矣，”氏忍死抚孤。时明季荒乱，氏从母弟避乱江南，纺绩自给。国初还里，康熙三十三年旌。

王泽之妻邓氏。舅姑年老，家贫，典衣鬻钗以供甘旨，而自噉粗粝。子嘉孝，任凤翔知县。囑云：“陕西久旱，当念百姓疾苦，清廉仁慈，方不负祖父积德教汝读书之意”。

牛祥言妻韩氏，于归三岁，生子，甫弥月，祥言病故。氏方欲从死，上有舅姑，下有幼孤，氏艰苦甘受，奉上抚孤皆竭力。县官表其门曰：“节孝双美”。子茹，癸卯举人，汲县教谕。

庠生房隆周妻刘氏，归房，生三子，隆周卒。氏矢志守节。延师课子，昼绩夜纺，艰苦万状。历三十余年，府县给扁旌之。

王明德妻吴氏，年二十夫亡。上事舅姑，下抚幼子，值年荒，甘旨无缺。

庠生张有珙妻杨氏。有珙早卒。无子。氏年甫二十二，矢志守节。姑李氏亦少年丧夫。氏事之甚谨。人称“一门两节”。

魏继孔妻扈氏，留盆店人，年三十五岁夫病故。氏曰：“夫死无子，不如早死。”痛哭，绝食至七日，缢死柩前。亲戚奔救，见自焚纸钱灰未灭，已无济矣。

生员杨芳妻吴氏。芳死。氏年二十八，妾张氏，年十八並無嗣。止妾生一女。家贫，纺绩自给，吴守节四十三年，张守节四十五年，邑令邱公给扁旌之曰：“苦节双奇”。

廩生费貽德，子有纯聘，妻秦氏，纯死。女闻讣，不食。七日而死。

贾声远妻李氏，年十九远卒。子方一岁，抚之读书。贾堂兄声杨妻马氏。声标妻胡氏。

声传妻张氏。皆夫死矢志守节。

张存礼妻朱氏，生子凯，七岁夫故。苦节四十余年。

时文泰妻孟氏，年十七而嫁，年余夫亡。氏矢志必死，一日父呼氏出迎姑。及出，见一男子，惊回问故。父曰：“为汝所择婿。”是夕怀刃归夫家。舅姑亦谨防之，夜使一女伴寝，女寐熟，氏遂自刎未殊死。人惊起救，氏犹手拒之。以指自断其喉而死。

杨东高妻余氏。东高蚤卒。氏年二十二岁，抚幼男霁六，纺织自活，严于教子。年八十而卒，府县给扁奖之。

刘启阳妻关氏。启阳卒。氏年方二十，抚幼男九耀，纺织自活，勤俭训子，年七十卒。县官杨文昌给扁奖之。

霍官妻张氏，性至孝，姑年七十余，病卧床褥，秽污皆手自捧拂，衣被时加潏濯。饮食预储精洁者，自喂食之。姑暗喷多暴怒，逢怒，则进以杖，就而笑受之。如此数年，无怨色。言感其孝曰：“尔孝吾母，吾当养尔母终身，以报德也。”遂迎妻母至家奉事之。

邢忠妻张氏。年二十六岁忠亡。子方周岁，全无养贍。氏矢志苦守，孝事舅姑，义方教子，苦节四十余年，年八十二卒。子淑曷廩生。

侯拱星妻张氏。归星，值姑病剧。氏告天愿以身代姑痊，遂愿茹素终身。贤孝之名，著于闾里。未几，夫故。誓以死殉。亲族劝曰：“汝子方二岁，汝亡，何所倚乎！”遂转念抚孤，纺织苦度。五十年如一日。府县怜其苦节，给扁曰：“完节永年。”曰：“慈孝流芳。”子嘉祥，乐善好施，人推为长厚君子。

王尊夏妻吉氏。尊夏蚤故。氏年二十一，无子。矢志守节，兢兢一身，苦节五十余年卒。

吴允升妾李氏，妻马氏生一子甫八岁，而夫故。马氏谓李氏曰：“汝无所出又年幼，可改适”李氏遂自抉一目，以示无他志焉。与马氏共抚养其子成立。守节五十年卒。

生员李从嘉妻王氏，知府王明福女也，嘉死。氏年二十八。事孀姑，身任子职。训幼子，母兼师道。脱簪葬姑，勤纺励操。事闻两台，给扁给谷。

刘士秀妻陈氏，年二十夫故。矢志抚孤成人，娶妇，子卒。孙方二月，育以成人。备历艰苦，年八十余。县官屡给旌扁。

马永寿妻吴氏，归寿三载，寿死。氏即欲从死，邻里劝阻，氏剪发毁容，示无他志。止一女，未几又逝。氏孤苦孀居，纺织度日。舅姑年老多疾，氏朝夕侍汤药不怠，有司给扁表扬。年八十二，临终呼夫，泣血而死。

宋之德妻任氏。夫故。氏年方二十三岁，遗子廷秀方二岁。氏号泣誓与同死。水浆不入口者五昼夜，时孀姑年老，以子幼百方泣谕，始进饮食。毁容持素，养姑育子，苦节三十八年卒。

陈美妻张氏，归美数年，夫死。氏守节抚孤四十余年。

许自德妻冯氏，夫亡。氏年二十六岁。子麒，方三岁，次麟，方一周，氏矢志守节，纺织抚孤。孀居四十余年，人钦其节。

李自绳妻刘氏。夫故。年二十二岁，子薰，甫三岁。氏忍死抚孤，苦守节四十年。

张玉忠妻张氏。年二十忠卒。遗二孤尚幼，氏纺织抚孤，守节四十年。

傅文敬妻赵氏。年二十四岁，守节抚孤。年九十六，一堂五世，府县给扁奖之。

魏永兴妻薛氏。生三子，纲、经、纶，而永兴死。纲等幼弱，氏上奉舅姑，生养死葬，特以孝闻，抚孤慈惠勤俭，教子义方。县官给额曰：“今之孟母”

庠生王昌妻李氏，瓯宁县令大雅女也。十七而嫁，生子勳，二十二寡。号泣绝粒，誓以身殉。舅姑慰谕曰：“汝夫止遗此孤，诸弟妹幼弱，家事赖汝经理，脱再不幸，如此，孤与吾两老人何！”氏始饮泣受命，事亲育子，艰苦备尝。康熙五十年旌。

方大正妻翁氏，适方仅六载，大正故。先是姜应试，寄三十金，大正贮于别箝。氏称未亡人，姜来索。号泣惶惶苦无措。或有以姜行诈欺娶孤。又疑氏当哀荣，不出以俟。大正素慷慨，信义自负。是夜遗梦于氏，白其金所在。氏即出而还之。方氏内无叔伯，外稀亲旧。氏侍孀母、抚幼子，三世，一身。值姑卧病，薪米汤药，氏脱簪剪发备之，姑得以愈。姑没，竭办殡葬，哀毁尽礼。纺织勤俭，乐施培德。常以孝友德行训子，令常在心目。氏卒，年七十一。汝人咸称“不特贞母、孝母、实廉母”云。两庠举其事，督抚按监司给扁嘉奖。子秉铨院丞。秉衡庠生。

贡生李之凤妻赵氏，姑郭病，割股以疗，夫病，燃指愿代。乡间咸称。抚台累扁奖之。

尚文政妻陈氏。年二十二，夫亡。抚孤成立，乾隆十四年旌。

桂氏女年十五，许字傅班。嫁有日矣，班病。至期，傅迎娶之成礼，即分居异室，越三月班死。女贞以终，年七十七。

钟湘妻李氏。年二十夫死。守节奉姑，抚侄为嗣，成立。

庠生刘廷榘妻傅氏。年二十二，夫亡。贫无所依，归居母家，纺织自给，守节三十余年。

姚训妻越氏。事姑至孝。姑病，延医调治。医言“尝其羹之甘苦，始可用药。”氏尝之苦甚。服药数剂而愈。

廩生刘廷相，继妻霍氏。年二十二岁，夫死，继嗣以延夫祀，勤妇工督课嗣子。

庠生傅应传，继妻姚氏，年二十三岁夫死。事舅姑以孝闻，抚前妻子守嘉如已出，多方教训，弱冠食饩。

刘廷瑞妻朱氏。年十九守节。五十一岁卒。

刘汉伟妻薛氏。伟卒，薛年二十五有遗腹，越五月生子士英。士英妻朱氏，年二十六英卒。朱依姑矢志守节。薛六十四卒，朱现年五十余。

刘天申妻张氏。年二十二申卒，无子。亲操井臼。事舅姑无卷容。后舅置妾生一子，舅

姑与妾相继歿。氏抚养成立，守节五十五年。七十有七卒。

任履中妻丁氏。年十七适履中。孀姑吴，食贫艰苦，氏略无一怨言。越九载氏年二十六，子俊德方三岁，履中卒。氏父往吊，囑氏曰：“尔夫死，勿以贫易志！”氏坚遵父命，守节事姑以孝称，抚子成人。

庠生赵咏妻李氏。年二十四咏卒。氏孝舅姑和妯娌，抚孤子为诸生，年五十七卒。

徐联璧妻单氏。夫歿。氏年二十五，子元章甫四岁，课之成立，事翁姑以孝闻，年八十有一卒。

石典妻周氏，于归一载，典贸易历久不归。氏年二十二，即对天誓曰：“夫不归，予永不改嫁。”后典终身未归，氏事舅姑五十余年，克尽妇道。年七十有三终。

樊廷枢妻周氏，年二十五，夫卒。遗子建周。上事衰姑，下抚孤子。曲尽孝慈，垂十余年，子建周又歿。妇陈，年二十八，姑媳共守节以老。

樊廷佐妻严氏。佐卒。氏年二十七，孝姑养子，誓死不嫁。后丧子，抚孙蕙蘧生成立，卒年六十有五。

桂世俊妻张氏，年未二十而寡。抚嗣子荃成立，学使以‘贞节凝麻’额其庐。孙大经庠生。

赵璋妻孙氏，年十九而嫁，嫁甫三月而寡，父母邻之。氏曰：“人当无可奈何时，决绝一死，不如婉转就义。吾俟小叔生子，亲为抚育成立，捧一盂饭，擎一杯酒，奠吾夫墓前曰：儿某在此。便使我相见九泉，无作色也。”言訖泪下如雨，举家感动。

苗玺妻陈氏，结婚九年，玺故，遗子三周，氏二十八岁。哭曰：“吾抚孤儿，不得相从地下。”未二年子夭，氏自缢，得救不死。舅姑谕之抚嗣子成立。

王应寿妻谭氏。于归二载寿卒。氏年二十一，母欲嫁之，氏痛苦绝粒累日，族人劝进食，越数年，母终怜其少，又以言讽之。氏益死拒，乃止。嗣是孝养舅姑。年七十二卒。

桂大受妻朱氏。家贫。于归三日即断炊。氏勤事孀姑，无愁苦状。越三载，夫亡。遗孤光鉴甫九月。朱以针指易米度日，曲承姑志。茹素终身。鉴稍长，教之读书。为邑庠生。

庠生羊浚妻傅氏，事姑以孝闻。浚死，氏年二十，子炳才一周。家贫无殓具，氏以故衾易之。炳稍长，出就外，傅不以家务累之。

霍岫妻赖氏，年十九，适岫。越四载，岫死。时舅姑年皆七旬，家甚贫，纺织度日十七年。奉事得舅姑欢心。子裕容就傅读书，继续先业，补增广弟子员。

韩秉乾妻刘氏。二十七守寡，零丁孤苦。择堂侄生员汝翼为子，以承宗祀，守节三十四年。

胡氏，映范女。适息县东乡任泽厚。三年，泽厚死。无子，时胡二十三，奉舅姑命，保抱幼女。归依母家守志，历四十余年，年六十六而歿。

傅杨妻王氏。十九于归，二十一岁，夫卒。生一子周岁，矢志守节，家贫，衣食无所资，惟纺织糊口。

赵三阳妻杨氏。年十七归赵，二十一赵卒，无子立侄为嗣。

赵宣阳妻羊氏。年十七归赵，十九夫亡，遗一子。

赵景阳妻羊氏。年十八归赵，二十三景阳卒。一子甫一周，赵氏一门三妇，矢志守节。

赵世楹妻张氏。夫亡守节。

赵宏勋妻徐氏。年二十七，勋卒。矢志守节，年六十八卒。

刘梦祥妻羊氏。生一子志立，甫一周，祥亡。守节五十余年，年七十一，志立妻傅氏，生子王书，亦仅一周而寡，姑媳同居守志。

齐文，父三窗，得典房金五十，被人诳去，愤志外去。女方七岁，昼夜悲号，数年如一日。后媒氏议婚，女辄涕泣不自胜曰：“无论贫富，但能寻我父赎此房，方许之。”有任崇奇者助银赎房，并以其父至，女即归奇。生一子，奇亡。氏守节而终。

肖研妻袁氏，适研。生二子，研卒。氏年二十七，守节以老。

刘镛妻王氏，嫁一年夫亡。守节三十一年卒。

韩宜妻许氏，年二十五夫亡，子三岁。守节，三十三年卒。

胡钟彬妻王氏，守节终身。

张氏，副贡生张子弑女，年十九，适赖应聪，未三月，聪故。择子以延夫祀，守节而终。

刘志仁妻贾氏，嫁未三载，无子而寡。孝事舅姑十九年。氏守节三十一年卒。

田明德妻张氏，于归时年二十一。越三载，德故。遗孤一周，孀姑六旬余。氏，矢志养姑，教子。仅薄田三亩，倩人耕以供衣食。姑歿，竭力丧葬。数载，遗孤又殇。为嗣抚育成立。七年，嗣子又死，与孀媳抚女孙度日。

杨天佐妻和氏，嫁一年而夫亡，三日生遗腹子。家贫，寄食母家，苦守抚子成立。

王鹏妻张氏，年二十九，鹏故。无子家贫，惟母家是依。年七十三卒。

张洪基妻胡氏，夫亡。年二十三，四日勺水不入口，誓以死殉，族人劝止之，守节。年七十三而卒。

门际泰妻薛氏，年十九，泰歿。守节四十余年，学使匾以“志励柏舟”褒之。

侯凤仪妻楚氏。夫故，守节三十余年。适遇岁荒，无度，邻妇劝以适人自养。氏掩耳曰：“勿污吾耳，吾知所以自处矣。”夜投井死。

侯同妻陈氏。年二十六，同卒。氏奉事孀姑三十余年，克尽妇道。子凤至，庠生。

李志尚妻万氏，年二十八，夫卒，矢志守节。

万志明妻尚氏，年二十九，夫卒。无子，矢志守节。

万嘉龄妻贵氏，年二十七，嘉龄卒。家贫无子，矢志守节。数载，弟嘉徵又卒，娣姒相

依为命。生养死葬，只身办理。以侄中行，承嗣。

万里任妻王氏，年二十，里任卒。夫弟里程方四龄而孤。氏抚养成人，延师督课，里程为诸生。

万有伦妻桂氏，年二十伦卒。无子，矢志守节，善事舅姑十余年，氏奉事汤药，始终无怠。夫两弟具幼，抚养成人。

吴承基妻陈氏，十九于归。生一子，氏年二十四，基卒。矢志抚孤，事舅姑以孝闻。

杨继先妻吴氏，结婚十月阅而寡。守节抚遗腹子，三十余年卒。

袁氏刘瀛母，二十五岁，夫歿。孀居四十年。

韩国楫妻唐氏，性至孝。年十岁，父患病，尝吁天请代。归韩三载，生一子甫周岁，国楫故。氏矢志守节。姑杨氏幼子死，致染疯狂。氏曲意事之，亲涤秽污，逢怒，受责无怨言数十年。舅姑相继卒。氏丧葬成礼，守节五十年。子永法禀生。

庠生郭令闻妻叶氏。密县教谕中肅女，生子继祖，方五岁，令闻卒。氏年二十九，夫弟庠生令望，又卒。妻张氏年二十五，相与矢志守节，共事衰姑二十余年。抚遗孤，纺织课读。

张雅妻吴氏，适雅后，舅姑相继卒。雅亦寻亡。氏年十八，以死自誓，家人劝之，数日方餐。遗子继绪，方周岁。氏励志守节，抚孤成人。夫弟焕中，年五岁，延师课读，为之授室。焕中又早亡，遗子六龄，氏育之如其子。

韩煌妻姚氏，年二十，煌故。子国治方周岁，氏誓以死殉，侄贡生国从劝曰：“叔母素明大义，果死，如遗孤何！”氏痛感侄言，上奉孀姑，下抚孤子，守志五十余年。督学王以“节励冰霜”匾其门，年七十七而终。

金城继妻黄氏。年二十一夫歿。氏孝事舅姑与兄公同居。兄公子五人，田产当得其半。氏曰：“吾不忍兄弟间有厚薄！”遂得六分之一，以侄乔龄为嗣，年五十卒。

彭定官妻刘氏，年十八岁，官卒。氏励志守节，事姑克尽妇道。

刘沂妻陈氏。年十八适沂。生二子，二十一，沂卒。家贫姑老，亲操井臼，矢志守节。

门成贵妻张氏，年十八岁，适门。二十一，舅姑相继卒。遗少子一、女一。二十四，贵病故。氏苦志守节，嫁小姑，为小叔婚娶，五载，小叔又亡。抚二侄成人。

赵润身妻钟氏，夫卒无子，氏年二十五。时夫弟润德方十岁。家贫，氏矢志苦守，纺织度日，供夫弟读书。为娶孔氏，寻入泮。氏喜曰：“吾可见翁姑于地下矣。”未几润德又歿。遗子文颖，氏立为子。与孔氏，苦守三十六年。

房允拔妻张氏。年二十八，允拔卒。子仅一周，越二载舅卒，拮据营疾，姑老多病，氏侍汤药，历三十余年。

陈万才妻王氏。年二十五，万才卒。家贫，苦志守节。

叶时菁妻李氏。年二十一，菁故。无子，氏矢志守节，以堂侄为嗣。



董怀仁妻王氏，年二十一，怀仁卒。无子，氏矢志守节，事舅姑以孝闻，抚侄纶为嗣子。纶妻陈氏十七，适纶。十九纶卒，亦以守节终。

刘正均妻孟氏，正均卒，氏年二十八岁。子荣宗甫九月，氏上事翁姑，下抚孤子，艰苦备尝，殡葬婚娶，事咸合礼。

任绍祖妻赖氏，年二十二，任卒，事亲以孝，抚孤以慈。苦节自守，年九十卒。孙瑗妻王氏，年十九瑗卒。事翁姑亦以孝闻。抚夫弟成人。

庠生郭廓妻沈氏，年二十五，夫亡。无子，以侄聊辉为嗣，氏抚养成人，读书入庠。

徐初妻许氏，年十六，适初越一载初卒，矢志守节。

冯明选妻张氏，年十八夫故。遗子数月。氏矢志守节，抚子成人。

范梅妻万氏，年二十，梅卒。越三月生子顺宗。氏守节自矢，抚孤成人。顺宗年三十三又卒，遗孙廷、甫二岁，氏又抚育成人，年七十七卒。

李士纯妻唐氏，年二十三，夫亡守节。

万纲妻高氏，年十八归纲。越八年纲歿，高矢志守节，事舅姑以孝，抚子读书，无堕夫志。

肖有德妻王氏，十六于归，孝舅姑，执妇工，已而岁歉，大疫。有德死，王年二十五岁。矢志守节，抚五岁孤，无他志。王固田家女，有德，贫甚。其父母及中下殇，凡六人，皆与有德同月死。仓卒经营丧葬，皆王一人。力抚两小叔，一小姑。纺织不足给饘粥，乃佃人田躬耕作，仪度不失闺闾风范。有族人为利诱，迫其改适。死拒，乃已。守三十余年。

门贞女父阅，女年三岁，许字薛成立子。年十七，成立子病故。女未归薛，将另择配，女坚志守贞。至六十三卒。

温灏妻贾氏，年十三归温，越五年灏十八，以暴疾殇，遗腹生女，时贾年十七，矢志不嫁。父母舅姑皆怜其少寡无子，欲更嫁之，贾氏不从。昼夜啼泣数日，不议，乃寝。姑晚年生子，乏乳，氏取米汁哺之。

桂大年妻刘氏，鄞师训导潘女。年十七适桂，越九年夫卒。有二女又生一女，氏悲痛欲绝，抚侄为嗣子。光价例授州同。

庄士朴妻路氏，年十八，朴卒。氏矢志守节，年五十六卒。

庄士俊妻马氏，年二十四，士俊卒，矢志守节，年六十三。

姚殿栋妻陈氏，年十七适姚。未逾月殿栋卒。矢志守节。

庄维洛妻杨氏，年二十二，维洛卒。家赤贫，氏矢志不移，纺织以事舅姑，姑性严，虽小过责不怨。氏甘受无怨，立侄为嗣。

张进德妻冯氏，年二十六，德卒。家贫子幼。纺织抚育，苦节四十二年卒。

张谦妻王氏，年二十八，谦卒，氏坚贞矢志，勤劳课子，守节，三十五年卒。

苏鹏霄妻陈氏，年二十二，霄卒，上无翁姑，下无子侄，坚贞自矢，年五十四卒。

徐秉伦妻张氏，年二十四，伦卒。守节抚孤，孀韩历志，年七十六而卒。

张士隆妻王氏，年二十八，隆卒。膏沐不饰，冰蘖自茹。守节三十八年卒。

万中鼎妻徐氏，年二十六岁，鼎卒，上下无依，零丁孤苦，以礼法自持，守节三十五年卒。

万松龄妻李氏，年二十二，龄卒，子方数月抚育成立，苦守三十三年卒。

虞生孔传试妾康氏，年二十四而寡，子甫七龄。康治家以俭，教子以勤，苦节三十余年，子继澄增生。

李先义妻张氏，年二十二，义卒。孤三周亦夭折，氏矢志守节，事祖父母及翁姑，无不一竭力，年七十三卒。

罗兆瑞妻韩氏，年十七归罗。事姑至孝，不敢以家贫缺甘旨。姑寝疾，氏昼夜支床无倦容。兆瑞延师于家，氏中馈供饌，礼甚恭。后兆瑞为叔父复仇，破家。兆瑞卒。氏年二十九，抚遗孤清贫作劳，年六十九卒。

李振先妻杜氏，年十六岁，李求婚，有成议而未下聘。振先忽双瞽，父廷瑞以儿失明来辞。氏，父母无以应。氏从容曰：“儿安命，何以辞为！”婚遂定，十八于归。越二载，振先卒。孤甚幼，翁姑劝曰：“青年矢志难事也，勿自误。”氏泣曰：“与失其节于后，何如辞婚于前！誓死靡他。”苦节三十余年。

刘澎妻羊氏，年二十七，澎卒。家贫，氏依母家度日，苦节自矢五十年。

羊天衢妻朱氏，年二十四，衢卒，氏矢志守节。

监生杨履泰妻刘氏，年二十七，泰卒，氏矢志守节，学使梦麟，以“黄鹄矢歌”额其门。年六十卒。子天保，戊子举人。

杨履义妻桂氏，年二十八义卒。氏矢志守节，抚育藐孤四十余年，学使徐光文以“松筠晚翠”额其庐。

杨履道妻和氏，年二十五道卒，氏矢志守节。

张应录妻乔氏，年二十七录卒，遗子天叙仅一周，家贫。氏矢志苦节，抚孤成立。

陈廷扬妻李氏，年二十五，杨卒。矢志守节五十余年。

赵广居妻张氏，年二十五，夫卒。遗孤五龄，氏苦节自守，抚子成立。

杨廷元妻张氏，年二十五，夫亡。守节。善事舅姑，抚孤成立，知府李绛以“操励柏舟”额其庐。时年六十八。

杨存颖妻肖氏，嫁四载，颖卒。地仅十亩余。氏痛舅姑无依。耕织拮据，奉养备极丰腴，而自履槽秕，立侄为嗣。

何应举妻张氏，年二十三而夫亡，地仅二十余亩。氏竭力经营，抚孤成立。年七十五终。

杨存尚妻韩氏，嫁四载夫死，守节奉翁姑抚孤子，以孝慈称。

王廷臣妻，孙氏，年二十八，夫故。抚孤子大章入庠。守节，年七十一卒。

宋守妻严氏，年二十六岁，夫卒。无出矢志不二，奉事翁姑，曲尽孝道。

桂葱妻贾氏，年十九于归。越二载，夫故，无出。氏矢志守节，孝事翁姑，择侄以绵夫祀。

洪山庙农民，姚天三女，许字刘世孔，年十一为养媳，未及笄，世孔病故。女矢志守节，嗣子以延夫祀。

王作楷妻牛氏，善事舅姑，楷亡。氏方二十，守节，至年五十卒。

牛天位妻董氏，十七而嫁，逾一载天位死，氏就养母家，年六十九卒。

王朝海妻高氏，年十六嫁王，二十一岁，夫故。氏奉事翁姑，生养死葬。

黄元品妻赵氏，年十九，夫卒。无子，以侄为嗣，矢志守节，四十余年卒。

韩一品妻熊氏，于归三年而寡。事姑四十余年，子灿，仅二周，鞠育至四十五岁而灿死，抚幼孙成立，年九十四卒。

庠生玉会极妻鲁氏，会极故。时氏二十八，孝事舅姑，守节五十余年。

廩生陈光琮妻赵氏，年二十六夫故，善事老亲，勤课藐孤，至六十六而卒，子錫章诸生。

监生郭克温妻陈氏，年二十四，夫故，上无亲，下无子，与姑苦守终。

肖子汤妻张氏，年十九适肖，二十七而寡，以节自矢，抚侄为嗣，年五十三而卒。

张大坤继妻傅氏，年二十一，坤故，守志三十年。

孔传孝妻楚氏，于归一年而夫卒，守志，抚嗣子成人，年八十三终。

胡裕南继妻候氏，晋州知州廷麟孙女，涉县教谕阜女也。年二十六归胡，逾年而寡，生一女殇。抚庶出遗腹子殿馨，恩意周洽，裕南妾丁氏，亦守节自矢。

辛氏解元立成女侄，许字王钤，九岁为养媳，至十八，未成婚而钤故。氏叹曰：“即入王门，宁有他志，要使纯白之玉，不留点瑕！”遂决意事翁姑，曲尽孝道，立夫堂兄铭子与教为后。

张珩妻吴氏，年二十四而寡，教子振声入庠。

王心一妻傅氏，嫁四年而寡，时年十九，抚一孤，事二老，兼以家事烦重，度支不给。所处，盖兼难也。翁姑或少不懌，傅曲意解之，跪进饮食。加糠乃止，氏年近五十，姑遭泄疾不能起，中裙刷膺，身亲浣涤四十昼夜，课子诗书常至夜分，子德元入庠，氏卒年五十三。

高勋妻牛氏，年二十八，途遇强暴欲辱之，牛羞忿自缢。事闻于官，按律治强暴罪。事闻。氏以烈旌（事在乾隆四十二年）。

焕姐母徐氏，再嫁赵氏。焕随母寄养于赵，赵族恶少欲污之。焕自缢死，恶少伏辜，焕以烈旌。（事在乾隆四十五年）